

2 Pedro

¹ Høøch xøhajt Simón Pedro. Høøch hädaa nocy njahby. Ja'a Jesucristøch nmøødtuumby. Jaayá'ayhøch tøø xwiinguexy coochä miädia'agy nyajwá'xät. Tøø mijtsä Jesucristo xyajnähdijy coo hajxy hoy mmäbögät jaduñ mäwiin neby højts xyajnähdijjiän. Tu'cuhdujt hajxy jaduñ xquiumáayyäm nägøxiä je'eguiøxpä coo hajxy tu'cuhdujt nmäbøjcam coo tiøyyä. Jaduñ yajnajuø'øy coo Jesucristo yhojiäya'ayä. Jaaya'ay hajxy nDioshajtäm. Tøø hajxy xpiädäacäm hawa'adstuum. ² Ween mijtsä Dios ja'a hoyhajtä weenhajt xmio'oy møj may coo ja'a tøyhajt hajxy mmøødä ja'a Diosøxpä møødä Jesucristocøxpä, ja'a hajxy nWiindsøn_hajtämbä.

³ Coo ja'a tøyhajt hajxy nmøødhajtäm ja'a Jesucristocøxpä, paadiä Dios hajxy madiu'u xpiuhbéjtäm ja'a miäjaahaam, jaduñ hajxy hoy njäya'ayhajtämät. Mänitä Dios hajxy jaduñ xquiumáayyämät. Jaanä miäjaahaamä Dios hajxy xyagjugyhadäänäm homiänaajä neby je'e jiu-gyhatiän. Coo Jesucristo miøjjä jiaančhä, coo jiaanč tehñ yhojiäya'ayä, paady hajxy tøø xyajnähdijjäm coo hajxy hoy njäya'ayhajtämbät. ⁴ Coo Jesucristo jaduñ miøjjä jiaančhä, paadiä mayhajt møj may tiuna'añ maa højtscøxphajtäm. Jaduñ jim myiñ cujaay maa Diosmädi-a'aguiän coogä Dios mayhajt may tiuna'añ maa højtscøx-phajtäm. Homiänaajä hajxy xyagjugyhadäänäm neby je'e jiu-gyhatiän. Y tøø hojiotä howyiinmahñdy hajxy xmióoyyäm hawiinjemybiä. Jaduñ hajxy hoy nmøød-hijtämät tu'ugmädia'agy. Jaduñä haxøøgpä hajxy yaa hoy njøjyohdiüütämät hädaa yaabä naaxwiin. Ja'a hä-na'c-hajxy yaa ca'a mäbøjpä, hadsojwiinmahñdy hajxy

miøød. Coo yhaxøøgwiinmahñdy hajxy jaduhñ quia'a najtshixø'øwa'añ, paady hajxy jiiby quia'awa'añ haxøøgtuum. ⁵⁻⁷ Paadiä Diosmädia'agy hajxy tsøc mäbøjcäm. Tsøc hajxy hojiäya'ayhåjtäm hamuumdu'joot. Tsøc hajxy jaac habøjcäm ja'a Dioscøxpä. Tsøc hajxy hñjtäm najuø'øyhaamby. Tsøc hajxy mee'xtújcäm. Tsøgä Dios hajxy wiingudsähgøøyyäm. Tsøc hajxy niçhøjcäm nebiä tu'ugpuhya'ayän, neby højtsä Jesucristo xchøjcäm. Tsøgä jäya'ay hajxy nägøxiä tsojc méé'xäm, hoy hajxy näje'e quia'a jagä mäbøcy.

⁸ Coo hajxy jaduhñ hamuumdu'joot ngudiúunämät nébiøch naamnä tøø nmädia'agy, mänit hajxy nhoyøøyyämät. Mänitä Jesucristo tiuung hoy ndúunämät. Nmøødhåjtämä tøyhajt hajxy jaduhñ ja'a Jesucristocøxpä. ⁹ Hix, pønjaty jaduhñ ca'a cudiuumb nébiøch naamnä tøø nmädia'agy, jaduhñ mäwñinåts hajxy je'e nebiä wiinds nebiä xoodspän je'eguiøxpä coo hajxy tøø jahdiågoy coo piojpä quiädieey hajxy tøø ñähwa'açhii neby hajxy hijty jegyhajty jäya'ayhatiän. Jaduhñ hajxy tøø jahdiägoobiä coo Dios jioot chocy coo hajxy hoy jäya'ayhådät. Paady hajxy jaduhñ jia yajnähwaatsä. ¹⁰ Hoorä, mägu'ughajpådøjc, tsøc hajxy hamuumdu'joot cudíúunäm nébiøch naamnä tøø nmädia'agy. Jaduhñ yajnajuø'øwa'añ coo Dios hajxy tøø xyajnähdíjjäm coo hajxy xquiu'ughadäänäm. Coo hajxy jaduhñ ngudiúunämät, cab hajxy jaduhñ mänaa ndu'udägøøyyämät. ¹¹ Jaduhñ hajxy hoy yajxon nnøcxämät Jesucristo wyiinduum maa cøjxta'axiøø yhane'emiän. Jaaya'ay hajxy nWiindsønåjtäm. Tøø hajxy jaduhñ xyajnähwáatsäm.

¹² Homiänájåts mijts jaduhñ nyagjahmiejtsta'aga'añ nébiøch naamnä tøø nmädia'aguiän. Tøyhåjtøch jaduhñ tøø nmädia'agy. Hoy hajxy jaduhñ mjaty. Cab hajxy

mdsoj jahdiägoyya'añ. ¹³ Hawiinmats jaduñ cooçh mi-jts jaduñ nyagjahmiejstá'agät tehngajnä, mäduhñtiöch njaac jugyhaty. ¹⁴ Hamdsóojöçhä Jesucristo xñämaayy cóogöch mobädajpä nho'ogaannä, ja'a hajxy nWiind-söñhájämbä. ¹⁵ Pero cooçh hánajty tøø nho'ogy, hoy hajxy jaduñ mjaac capxtá'agät nébiöch cham nmädi-a'aguiän. Jaduñ hajxy hoy mjahmiejstá'agät.

¹⁶ Tøø højts mijts nyajwiingapxø'öy coo Jesucristo möcmäjaa miøødä, y coo yaa jadähooc quiädaactägat-sa'añ hädaa yaabä naaxwiin. Tøyhajt højts jaduñ nmä-diaacy. Cab højts hamdsoo nyajcojy. Diosmädia'agy hädaa jaduñ. Ca'a ñä'ä cueentä nebiä jäya'ay cueentä hajxy yajcojjiän. Hamdsoo højtsä Jesucristo nhijxy coo möcmäjaa miøødä, coo je'e Dyiosä. ¹⁷⁻¹⁸ Mänaa højtsä Jesucristo hánajty jim nmøødän maa tunän, mänitä Dios-teedy jim quiuhgapxnajxy tsajpootyp: “Høøch nhamdsoo Huung yø'ø. Njaançh tehñ chójpiöch yø'ø. Jaançh tehñ jiootcújc-höch nnijwiø'öwyii maaçh nHuungcøx-pän”, nömä Jesucristo ñänøømä. Njaançh mädoow højts jaduñ. Möcmäjaahaamä Dios jaduñ quiapxy. Jaançh tehñ yajxonä Jesucristo piädaacä ja'a Tiéediäm, nebiä hajajpän. Paady højts yø'ø tun nyajxøøbejty: “Ja'a tun maa Dios ñägapxiän coogä Jesucristo yHuunghaty.”

¹⁹ Tøyhajt jaduñ jiaançh jajty nébiöch cham nmädi-a'aguiän. Hamdsoo højts nhijxy nmädooyy. Hahixøøby jaduñ coo højts mijts nmädia'agy xmiäböjçät. Maas hahixøøby jaduñ coo Diosmädia'agy hajxy mmäböjçät, ja'a jäya'ayhajxy jecy quiujähyyäbä. Jaduñ mäwínädsä Diosmädia'agy miäbaady nebiä jøøn tioyyän hagogd-stuum. Hix, xyajwiinjuøöyyäm hajxy jaduñ tijaty ha-jxy hoy hamdsoo nga'a wiinjuø'öwääñäm. Hahixøøby jaduñ coo hajxy homiänaajä nyajcopcøöyyämät. Coo Jesucristo yaa quiädaactägätsät hädaa yaabä naaxwiin,

mänit hajxy cøxiä xyajwiinmädiaagø'øwáanäm. Jaduhñ hajxy hoy nwiinjuø'øwáanäm cøxiä. ²⁰⁻²¹ Huuc wiinjuø'øw hajxy jaduñ, coo jäya'ayä Diosmädia'agy hajxy jecy quiujahy, cab hajxy hamdsoo yajcojy. Näje'e hajxy jaduñ quiujahy tijaty hānajtj jādāanāp tunāanāp. Ja'a Dios je'e najtscapxøøyy ja'a yhEspírituhaam waamb hajxy quiujāyāt.

2

¹ Jii jäya'ayhajxy hijty näje'e jegyhajty miāna'añ cooc tyijy Dios hajxy hānajtj ñajtscapxøøyyäbä. Pero høñdaacp hajxy hānajtj jaduñ. Ja'a Dioscu'ug hajxy hānajtj jia wi'i wyiinhøønaamby. Jaanä jaduñnä høñdaacpähajxy jii by wiäditaambä maa mgajpthajxiän. Cabä cu'ug ñajuø'øwa'añ pø wiinhøñp hajxy hānajtj jaduñ. Høxtä mäna'anaambä høñdaacpähajxy jaduñ cooc tyijy ja'a Jesucristo hajxy tøø xquia'a nähho'túutäm. Paquiä hajxy yajcumädo'wa'añii. Pønjatiä høñda'agymiädia'agy mäbøgaamb, tu'udägoyyaamb hajxy jaduñ. Ja'a hāna'c-hajxy jaduñ høñdaacpä, niyhamigähadāanāp hajxy jaduñ. ² Pahixāanāp hajxy jaduñ nämay. Ja'a hāna'c-hajxy mäbahixaamb, ja'a tyijy ja'a Diosmädia'agy hajxy mäbøjpä. Coo hajxy jaduñ hoy quia'a hida'añ, ni hāna'c-hajxy høñdaacpä, ni hāna'c-hajxy mäbahixpä, paadiä cu'ugä tøyhajt hajxy quia'a tsoga'añ ja'a Jesucristocøxpä. ³ Ja'a høñdaacpähajxy, xädø'øñ hajxy piøcjuø'øwaamby. Høñda'agymiädia'agyhaamby mijts xyajnähixø'øwa'añ; jaduñnä xädø'øñ hajxy xjia wi'i piøgaanä. Jéquiänä Dios tiägøøyy mänaandaacpä coogä hāna'c-hajxy quiumädo'wa'añ, ja'a høñda'agymiädia'agy hajxy yajnähixøøbiä. Jaduhñä Dios jecy miānaandaacpä cooc hajxy quiuhdägoyya'añ.

⁴ Hiḅ, yajcumädoobiä Dios je'e pønjaty ca'a mäbø-gaamb. Coo mioonsähajxy näje'e jim̄ jecy quia'a mäbøjcy tsajpootyp, paady hajxy jecy quiumädooyy. Haxøøgtuum hajxy hoy quihjuipnaxyii maa jiaančh tehḡ quiøøcän, maa yhagoodstuumän. Jim̄ hajxy yhida'añ høxtä coonä yhabáadät coo Dios jaduhḡ miäná'anät nebiaty hajxy jii jiaac tsaächtüuna'añii. ⁵ Jaanä jaduhḡä Dios ja'a jecyjiäya'ay yajcumädoobä, ja'a hajxy jecy tøø quia'a mäbøquiäbä. Mänitä Dios nøøgomdägoy quiejxy. Jayooyyä Noéhajxy choocy møødä yhuung møødä tio'oxy ja'a näductujcpä. Jaduhḡä Noé ja'a cu'ug hänäjty tøø jia yajwiingapxø'øy coogä yhaxøøgcuhdujt hajxy ñajtshixó'øwät, coogä Dios hajxy wyiingudsähgø'øwät. ⁶ Jaanä jaduhḡä jecyjiäya'ay-hajxy jiajpä, ja'a hajxy hijty jim̄ tsänaabiä maa cajpt hijty jaduhḡ xiøhatiän Sodoma møødä Gomorra. Cabä Dios hajxy hijty ñä'ägä wiingudsähgø'øy. Paady hajxy jøønhaam yajcuhdägooyyä. Cøjxä haxøøghäna'c-hajxy yho'ogy. Haagä cujiaam hajxy jiajnä møødä quiajpthajxy. Hijxtahḡd ja'a Dios jaduhḡ piädaac coo haxøøgjäya'ay-hajxy nägøxiä yajcumädowa'añii. ⁷⁻⁸ Mänaa Dios ja'a jecyquiajpt jaduhḡ yajcuhdägoyyän, jagooyyä tul'jäya'ay yajtsoocä, ja'a hänäjty xøhajpä Lot. Paadiä Lot yajtsoocä, je'eguiøxpä coo hänäjty hoy jiäya'ayhaty. Mänitä Dios ja'a Lot yhawaanä coogä quiajpt hänäjty quihdägoyya'añ. Paadiä Lot jim̄ chohḡ. Jaančh tehḡ jiootmayhajpä Lot hänäjty jaduhḡ coo cu'ughajxy hänäjty haxøøg jiatcø'øy jabom̄-jabom̄ hijxwiinduum. ⁹ Nebiä Dios ja'a Lot jecy yajtsooquiän, jaanä jaduhḡä Dios ja'a quiu'ug yajtso'ogaambä coo hajxy hänäjty chaächpøcy. Tøyhajt jaduhḡ. Jaanä jaduhḡ tiøyhájtäbä coo Dios yajcopcø'øy nebiatiä haxøøgjäya'ayhajxy jiatcø'øyän. Jéquiänä Dios jaduhḡ miänaañ cooc hajxy quiumädowa'añ. Coo jaduhḡ yhabáadät, mänitä Dios miäna'ana'añ nebiaty hajxy jii

chaačhtiuna'añii. ¹⁰ Nägø'ø nädequiä Dios yajcumä-dowa'añ pøn yajnahixøøby hønnda'agymiädia'agyhaam, pønä Diosmäjaa xøøghajp. Jaančh tehñ chähdiuhnda-goy hajxy ñibiäda'agyii, ja'a hønnda'agymiädia'agy hajxy mäwädiypä. Jootmøj hajxy jaduññ ñibiäda'agyii. Cab hajxy pøn wyiingudsähgø'øy. Haa jaaya'ayhajxy mõj-tuungmøødpä maa Diosmädia'agy myññänä, wiingapx-péjtäp hajxy je'ebä. ¹¹ Haa ja'a Diosmoonsähajxy jim hijpä tsajpootypä, maas mõcmäjaa hajxy miøødä quejee ja'a hønnda'agymiädia'agy hajxy mäwädiypä. Pero cabä Diosmoonsä ja'a mõjtuungmøødpä hajxy wyiingapxpety maa Dioswiinduumän; ni cab hajxy ñähojy.

¹² Jaduhñä hønndaacpähajxy ñibiäda'agyii nebiä yu-ughanimalän coo hajxy tii quia'a wiinjuø'owa'añ ja'a Dioscøxpä. Hix, cabä yuughanimalhajxy tii wyiinjuø'øy ja'a Dioscøxpä. Mädyijatiä hønndaacpähajxy quia'a wiinjuøøby, je'e hajxy ñäxiicypy. Paquiä hajxy yajcuhdä-goyya'añii nebiä animalhajxy paquiä quiuhdägoyyän coo hajxy yagho'ogyii. ¹³ Tsaächtiunáanäbä hønndaacpähajxy jaduññ je'eguiøxpä coo hajxy hänäjty tøø miäd-saačhtiuñ. Xoondaacp hajxy jaduññ coo hajxy cøxyppäne-ppiä jiatcø'øy xøømbaady. Høxtä jiiby hajxy yajtägø'øy maa mijts naxy mgaamiuquiän ja'a Jesucristocøxpä. Ja'a Jesucristo miädiä'aguiäc tyijy hajxy pianócäp. Pero haxøøgjaty hajxy wyi'i jiatcø'øy mijts mwiinduum maa hajxy hänäjty mgaamiuquiän. Høxtä jiiybypiaady hajxy je'e yhønndaacpä.

¹⁴ Homiädyii to'oxiøjcä hajxy jaduññ yhixy, yhadso-ppy hajxy jaduññ. Homiänaajä hajxy jaduññ haxøøg jiatcø'owa'añ. Wyiinhøhmby hajxy pønñatiä Diosmädi-a'agy hoy ca'a habøjpnä. Hadsojwiinmahñdy hajxy ñäl'ägä yajtuumbly. Tsipcøxp hajxy jaduññ ñäl'ägä cumädowa'añ.

¹⁵ Tøø tødiu'u hajxy jiojwa'ačh. Tøø hajxy jaduññ tiu'udä-

goy. Ja'a Balaam hajxy jaduñ piahijxyp, ja'a Beor yhuung. Jeguiajtiä Balaam hänajty quiudiuna'añ ja'a quia'awiindøguiøxpä mөөdä xädø'øñguiøxpä. ¹⁶ Mänitä Balaam wyiinhojnaxjä tiic jaduñ coo jiatcø'øwa'añ. Ja'a møjc burra jaduñ mähoj. Jaduñ quiapxy nebiä jäya'ayän. Mänitä Balaam ñajuøøñä coo jaduñ quia'a hoyyä. Jaduñä burra miädia'agy miäbøjcäxä.

¹⁷ Yø'ø häna'cä höhnda'agymiädia'agy hajxy mäwädi-jpä, jaduñ mäwiin hajxy miäbaady nebiä nөөjut tөө tiø'øçhpän. Jaduñ mäwiin hajxy miäbaatpä nebiä joc piojwäditypän coo hänajty quia'a nä'ägä tu'uy. Hix, cabä tøyhajt hajxy ñä'ä yajnähixø'øy. Cøjxta'axiøø hajxy jiiby yhida'añ maa haxøøgtuumän. Ja'a Dios jaduñ mänaañ cooc hajxy jiiby yhida'añ. ¹⁸ Yoñ hajxy jia mädia'agy. Ja wi'i yajcumayaamb hajxy jaduñ. Pero cabä miädia'agy hajxy choobaady. Ja'a höhnda'agymiädia'agyhaam hajxy wyiinhøøñ pønjatiä Diosmädia'agy naamdägø'øy habøjp. Jøjcapxøøyyäp hajxy jaduñmä, ween hajxy haxøøg jiatcøøguiumbä neby hajxy hijty jiatcø'øyän. ¹⁹ Jaduñä höhndaacpähajxy yajnähixø'øy cooc tyijy quia'a nejpiä coo haxøøg mjäya'ayhädät. Hix, jaduñ hajxy yajnähixøøbiä cooc tyijy ja'a Dios hajxy xquia'a hanéhmänä coo jecymiädia'agy hajxy ngudiúunämät, jaduñ jia mänaambä cooc hajxy hoy njäya'ayhajtämät. Jaduñ hajxy yhöhndaacpä cooc tyijy hajxy jaduhyä nnähwáatsäm. Ni je'e hajxy tөө quia'a nähwa'açh je'eguiøxpä coo yhaxøøgwiinmahñdy hajxy tөө quia'a najtshixø'øy. Paady hajxy nøcxy quiuhdägoyyaanä. Jaanä jaduñ höjtshajtämä, coo nhaxøøgwiinmahñdy hajxy nga'a najtshixøøyyämät, jaduñ höjts nøcxy nguhdägoyyaanämbä. ²⁰ Coo Jesucristo hajxy njøjpøgøøyyäm, ja'a hajxy nWiindsønajtämä, paadiä nhaxøøgwiinmahñdy hajxy xyajnähwáatsäm, neby hajxy

yaa nmøødhájtäm hädaa yaabä naaxwiin. Pero, coo Jesucristo miädia'agy mjahdiägóoyyät, y coo mhaxøøgwiinmahñdy jadähooc mbadu'ubógät, maas haxøøg jadähooc mjada'añ. ²¹ Hiḡ, pønjatiä Diosmädia'agy jaduḡḡ jahdiägooby, maas hoy haxøpy coo hajxy cu quia'a mäbøjcy. Hiḡ, coo hajxy jaduḡḡ yhøḡhíxät, maas hanaxiä hajxy jaduḡḡ quiümädowa'añ. ²² Jaduḡḡ hajxy jádät nebiä hädaa mädia'agy miäna'añän: “Ja'a huc-hajxy, coo hajxy yhøøch, ja'a yhamdsoo høøch hajxy ñäwiimbijpy, nøcxy hajxy jadähooc jiøø'xø'øgy. Jaaná jaduḡḡä hädsømhajxy jiatcøøbiä, naamnä hajxy hänajty tøø chi'iy, mänit hajxy jadähooc nøcxy yajtsnä tiøø'pnä mo'ondsoty.” Tøyhajt jaduḡḡ.

3

¹⁻² Mägu'ughajpädøjc, miämetsc-hoocpä mijts chamñnäjaayø'øy. Jaduḡḡ mijts chamñ miämetsc-hoocpä nmägapxy nhane'emy coo mädia'agy hajxy mjahmiejtstä'agät, ja'a Diosquexypähajxy jecy quiujáhyäbä. Jaduḡḡä howyiinmahñdy hajxy mmøødhádät. Huuc jahmiets hajxy jaduḡḡmbä nebiatiä Jesucristo hajxy xmiägapx xyhanéhñäm. Jaaya'ay hajxy tøø xñähho'túutäm, paady hajxy nWiindsønhájtäm. Ja'a Jesucristo quiugapxyhajxy, je'e mijts tøø xyhawaanä nebiatiä Jesucristo hajxy tøø xmiägapxy tøø xyhane'emy.

³ Naxxy hädaa mädia'agy hajxy mdehñm wyiinjuó'øwät nébiøch chamñ nmädia'aguiän. Coo naaxwiimbä hänajty wyiimbida'añ, mänitä jáya'ayhajxy quiähxø'øga'añ coo Dios hajxy ñänøma'añ. Haxøøg hajxy jiatcø'øwa'añ nebiatiä yhamdsoo joot hajxy hänajty chocy, neby hajxy hänajty ñälägä cuhdujthatiän. Xñäxi'igaamb mijts jaduḡḡ. ⁴ Jaduḡḡ hajxy miäna'ana'añ: “Cab jaduḡḡ tiehñm tiøøjadiada'añ coo Jesucristo wyiimbijtägatsa'añ neby jaduḡḡ tøø

yhuuc mänaambä. Hiḵ, caj tii mänaa tiägach. Je'enä cøxiä wiinä jaduḥḥ yhityñä mänaa naaxwiimbä jecy yhawijy tiøø'xta'aguiän, mänaa jecyjiäya'ayhajxy yho'oguiän", nõm hajxy yhöḥnda'aga'añ. ⁵ Pero tøyhajt jaduḥḥ coo naaxwiimbä jiaančh tægach. Pero ja'a höḥndaacpähajxy, cabä tøyhajt hajxy wyiinjuø'øwa'añ. Hiḵ, haagä nõø hijty jegyhajty. Mänitä Dios ja'a tsajt jecy yhädiuun mөөdä naaxwiin. Jiibiä naaxwiimbä yajcojy nõøjooty. Mänit hoy piäda'agy nõøhagujc. ⁶ Mänitä Dios nõøgomdägoy cujecy quiejxy. Mänitä naaxwiimbä quiuhdägooyy. Cøjxä jäya'ayhajxy yho'ogy. ⁷ Ja'a tsajt mөөd hädaa yaabä naaxwiin, tøø Dios jaduḥḥ yajnähdiijy coo quiøxy toya'añ. Mänitäc jaduḥḥ tioya'añ coo Dios ja'a jäya'ay yajcuhdägoyya'añ, ja'a Diosmädia'agy hajxy ca'a mäbøjpä.

⁸ Mägu'ughajpädøjc, tsøc hajxy jahmiéjtsäm coo Dios tu'xøø jaduḥḥ ñänømy jadu'miljomøjtpä; y jadu'miljomøjtpä, tu'xøøyyä jaduḥḥ ñänømy. ⁹ Näje'e jäya'ayhajxy miäna'añ cooc tyijy ja'a Jesucristo quia'a tsoj yajtøjiada'añ coo yaa quiädaactägatsa'añ, coo haxøøgjäya'ayhajxy yajcumädowa'añii. Pero cab jaduḥḥ tiøyyä neby hajxy jaduḥḥ jia wi'i yhöḥnda'agy. Hiḵ, mee'xtujpä Jesucristo ja'a mijtsøxpä. Cabä jioot chocy coo pøn quiuhdägóyyät. Jaduḥḥnä jioot jia tsocy coo haxøøgcuhdujt hajxy nnajtshixøyyämät.

¹⁰ Jaguiapxy yhabaada'añ coo Jesucristo yaa quiädaactägatsa'añ, coo haxøøgjäya'ayhajxy yajcumädowa'añii. Cabä pøn jaduḥḥ ñajuøøy mänaa jaduḥḥ jiaančh habaada'añ. Mänitä tsajt quiuhdägoyya'añ. Jaduḥḥ yajmädowa'añ nebiä hänee møc ya'axiän. Cøxaambä xøø tioya'añ, mөөdä po'o, mөөdä madsa'a, mөөdä naaxwiimbä, mөөd tijaty yaa hijp hädaa yaabä naaxwiin.

¹¹ Coo cøxiä wiinä jaduḥḥ quiuhdägoyya'añ, paady

hajxy tsøc hoy jäya'ayhajtäm. Tsøcxä Dios hajxy hoy wiingudsähgøøyyäm. Tsøcxä Diosmädia'agy hajxy hoy cudiúunäm. ¹² Tsøc hajxy jøbhíjxäm coo Jesucristo yaa quiädaactägatsa'añ. Mänitä Dios ja'a tsajt yajtoy-a'añ, møødä xøø, møødä po'lo, møødä madsa'a, møødä naaxwiimbä. Tsøgä jäya'ayä Diosmädia'agy hajxy yajmøødmädiäacäm nämay, ween hajxy miäböcy; jaduhnä Dios paquiä yaghabáadät. ¹³ Tøø Dios jaduhñ miäna'añ coogä hawiinjemyčhajt yhädiuna'añ, møødä hawinjemyñaaxwiin. Jimä njoot hajxy nbädäacäm coo Dios hajxy jim xyajnøcxäänäm. Cabä haxøøgpä jaduhñ jim mänaa tiägø'owa'añ maa ja'a hawiinjemybiä tsajtän, ni jim maa hawiinjemybiä naaxwiimbän.

¹⁴ Mägu'ughajpädøjc, tøyhajt jaduhñ coo Dios hajxy jim xpiäda'agäänäm, paadiä haxøøgpä hajxy tsøc najtshixøøyyäm hamuumdu'joot; jaduhnä Jesucristo hajxy xpiäatämät coo pojpä cädieey hajxy hänajty nga'a møødhajtäm, coo yaa quiädaactägätsät. Tsøc hajxy jootcujc nimiøødhajtäm nebiä tu'ugpuhya'ay nebiä tu'ugpuhdo'oxypän. Jaduhnä Dios hajxy hoy xyhíjxämät coo hajxy hänajty hoy ndúunäm. ¹⁵ Mjahmiédsäp hädaa mädia'agy hajxy jaduhñ. Paadiä Jesucristo jaduhñ miee'xtucy, weenä jäya'ayhajxy may miäböcy, ween hajxy jaduhñ may ñähwa'ačh. Ja'a mägu'ughajpä Pablo, jaduhñ mijts tøø xñäjaayøøbiä. Ja'a Dios ja'a tøyhajt najtscapxøøyyä. Ja'a tsipjatypä ja'a Dios ja'a Pablo yajwiinjüøyy. Jaduhñhöčhä Pablo njuø'øy nébiøchä nhamdsoo puhya'ayän. ¹⁶ Naaghooc mijtsä Pablo xñäjaayø'øy, jaduhñ ñä'ägä mädia'agyhaty nébiøch cham njaayän. Tsipjatiä Pablo siémpräm miädia'agy. Ja'a häna'cä tøyhajt hajxy ca'a tsojpä, wiingä Pablo miädia'agy hajxy yajnahixøøyyä. Cab hajxy jaduhñ yajnahixø'øy nebiä Pablo jia mänaañän. Wiingatiä Diosmädia'agy hajxy

yajnáhixø'øy. Cabä tøyhajtpä hajxy miäböga'añ. Paady hajxy quiuhdägoyya'añ.

¹⁷ Mägu'ughajpädøjc, mnä'ägä najuøøby hajxy jaduñ coo høn̄daacpähajxy jii wiädita'añ. Cabä tøyhajt hajxy chocy. Haxøøg hajxy jiaanč tehñ jiäya'ayhaty. Mnig-wieendähadøjöp hajxy; jaduñä tøyhajt hajxy mga'a najtshixø'øwät. Cab hajxy myajwiinhøönät coo hajxy jaduñ mnä'ä tu'udägóyyät. ¹⁸ Jaac habøcxä hajxy jaduñ ja'a Jesucristocøxpä, ja'a hajxy nWiind-søn̄hájtämbä. Jaaya'ay hajxy xñähho'túutäm. Tehngajnä miädia'agy hajxy mmäböjcät; jaduñä mayhajt mõj may tiúnät ja'a mijtscøxpä. Tsøc hajxy homiänaajä capx-páatäm mõj jaanč. Tsøc hajxy tehngajnä wiingud-sähgøøyyäm. Amén.

El Nuevo Testamento en mixe de Guichicovi **New Testament in Mixe, Isthmus (MX:mir:Mixe, Isthmus)**

copyright © 1988 Wycliffe Bible Translators, Inc.

Language: Mixe, Isthmus

Translation by: Wycliffe Bible Translators, Inc.

Mixe, Guichicovi [mir], Mexico

Copyright Information

© 1988, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixe, Isthmus

© 1988, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30
